

Javni poziv za podršku jačanju poljoprivredne prakse kroz povezivanje sa naučnim i istraživačkim organizacijama



U okviru projekta EU4AGRI, koji finansira Evropska unija, objavljen je Javni poziv za dodjelu bespovratnih sredstava i to za mjeru podrške jačanju poljoprivredne prakse kroz povezivanje sa naučnim i istraživačkim organizacijama. Krajnji cilj je da se, kroz bespovratna sredstva Evropske unije, ojača razvoj naučnih i istraživačkih institucija u BiH, te da se podrži razvoj kapaciteta organizacija koje ekonomski i interesno okupljaju poljoprivredne proizvođače i prerađivače.

Na Javni poziv mogu se prijaviti visokoškolske i naučno-istraživačke ustanove iz oblasti poljoprivrede, prehrambene tehnologije, veterine i biotehnologije registrovane u BiH, i to isključivo u partnerstvu sa najmanje jednom organizacijom koja interesno ili ekonomski okuplja poljoprivredne proizvođače (poljoprivredne zadruge, preduzeća iz sektora poljoprivredno-prehrambene proizvodnje ili udruženja poljoprivrednih proizvođača i druge nevladine organizacije koje imaju iskustvo u realizaciji projekata iz oblasti poljoprivrede i ruralnog razvoja).

U okviru ovog javnog poziva na raspolaganju je 2.4 miliona KM, a sredstva podrške po jednoj prijavi mogu iznositi od 100.000 KM do 400.000 KM. Dobitnici podrške sredstva će koristiti za realizaciju projekata koji uključuju naučna istraživanja u oblastima ublažavanja posljedica i prilagođavanja na klimatske promjene, uvođenje novih proizvodnih tehnologija s ciljem povećanja produktivnosti, uvođenje digitalnih alata i tehnologija u proces primarne poljoprivredne proizvodnje i prerađu poljoprivrednih proizvoda, zaštitu i unapređenje zdravlja životinja i biljaka i dobrobiti životinja, te smanjenje gubitaka i otpada hrane

Krajnji rok za podnošenje prijava je **12. septembar 2022. godine do 17:00 sati**.

Prijave se podnose isključivo putem elektronskog sistema dostave prijava, koji je dostupan na linku: <https://javnipoziv.undp.ba/> Dostavljanje prijava u bilo kojem drugom formatu (e-mail, pošta, fax i sl.) nije prihvatljivo i prijave dostavljene na taj način neće biti uzete u razmatranje.

Dodatna pitanja u vezi s ovim pozivom mogu se dostaviti putem formulara za pitanja na web stranici projekta <https://eu4agri.ba/postavi-pitanje> u periodu od 15.08. do 05.09.2022. godine.

Svi zainteresirani mogu pristupiti javnom pozivu putem ovog linka:

<https://eu4agri.ba/otvoren-javni-poziv-za-dodjelu-bespovratnih-sredstava-za-mjeru-podrske-jačanju-poljoprivredne-prakse-kroz-povezivanje-sa-naucnim-i-istrazivackim-organizacijama/>

EU4AGRI je četverogodišnji (2020-2024) projekat Evropske unije vrijedan 20.25 miliona eura čiji je cilj modernizacija poljoprivredno-prehrambenog sektora u Bosni i Hercegovini. Projekat provode i sufinansiraju Razvojni program Ujedinjenih nacija (UNDP) u BiH i Češka razvojna agencija (CzDA).